

搗鬼針草傅上卽定

又方荆葉袋貯薄瘡腫上

又方以麝肉塗腫上血出乃差

又方以合口椒并葉搗傅之無不止

又方切菜刀燒赤烙之

附方

梅師方治虵虺螫人

以獨頭蒜酸草搗絞傅所咬處

廣利方治虵咬方

取黑豆葉剉杵傅之日三易良

道藏輯要

肘後備急方

圭

虛集十一
川上支

廣濟方治毒蛇嚙方

菰蔣草根灰取以封之其草似鷺尾也

兵部手集主蛇蠍蜘蛛毒

雞卵輕敲一小孔合咬處立差

劉禹錫傳信方治虵咬蝎螫

燒刀子頭令赤以白礬置刀上看成汁便熱滴咬處立差此

極神驗得力者數十人貞元三十二年有兩僧流向南到鄧

州俱爲虵嚙令用此法救之傅藥了便發更無他苦

治虵瘡敗虵骨刺人入口繞身諸方第五十七

葛氏凡虵瘡未愈禁熱食食便發瘡之依初螫人法

蛇螫人九竅皆血出方

取蚩蟲初食牛馬血腹滿者二七枚燒服之

此上蛇瘡敗及洪腫法方蛇螫人牙折入肉中痛不可堪方

取蝦蟆肝以傅上立出

又方先密取荇葉當其上穿勿令人見以再覆瘡口上一時著葉當上穿穿即折牙出也

蛇骨刺人毒痛方

以鐵精如大豆者以管吹瘡內姚同

又方燒死鼠搗傅之瘡上

蛇螫人瘡已合而餘毒在肉中淫淫痛痒方

道藏輯要

肘後備急方

三

虛集十一

取大小蒜各一升合搗熟湯淋取汁灌瘡中姚同

蛇卒繞人不解方

以熱湯淋即解亦可令就尿之

蛇入口中不出方

艾炙蛇尾即出若無火以刀周匝割蛇尾截令皮斷乃將皮倒脫即出小品同之

七八月中諸蛇毒旺不得洩皆齧草木即枯死名爲蛇蜥此物傷人甚於蛇螫即依蛇之螫法療之

附方

廣利方治蛇咬瘡

煖酒淋洗瘡上日三易

聖惠方治蛇入口并入七孔中

割母猪尾頭瀝血滴口中卽出

治卒入山草禁辟眾虵藥術方第五十八

辟眾虵方

同前姚氏仙人入山草法

辟虵之法雖多唯以武都雄黃爲上帶一塊右稱五兩於肘間

則諸虵毒莫敢犯

他人中者便磨以療之又帶五蛄黃丸良丸有蜈蚣故方在於備急中此下有禁法云不受而行則無驗

道藏輯要

肘後備急方

三

虛集十一
川文川

虵毒勿渡水渡水則痛甚於初螫

亦當先存想作大蜈蚣前已隨後渡若乘船渡不作法殺人入山並不得呼作虵皆喚爲虵中之者彌宜勿誤辟虵法

到處燒殺羊角令有烟出虵則去矣

附方

廣利方治諸虵毒螫人欲死兼辟虵

乾薑雄黃等分同研用小絹袋貯繫臂上男左女右虵聞藥氣逆避人螫毒傳之

治卒蜈蚣蜘蛛所螫方第五十九

葛氏方割鷄冠血塗之